

Skupština KJKP „Park „ d.o.o.Sarajevo

Broj: P-01-4598-1/25
Sarajevo, 17.11.2025.godine

Na osnovu člana 32. Statuta KJKP „Park“ d.o.o. Sarajevo- prečišćeni tekst, broj: P-2802-3/21, od 31.8.2021., a u skladu sa Zaključkom Vlade Kantona Sarajevo, broj: 02-04-53581-34/25 od 14.11.2025. godine, na 1. vanrednoj sjednici, održanoj dana 17.11.2025.godine, Skupština KJKP “Park” d.o.o. Sarajevo donosi

O D L U K U

O KRITERIJIMA I OPĆIM I POSEBNIM USLOVIMA ZA IZBOR I IMENOVANJE ČLANOVA NADZORNOG ODBORA KJKP “PARK“ D.O.O. SARAJEVO

Član 1.

(Predmet)

Ovom odlukom utvrđuju se opći i posebni uslovi za izbor i imenovanje članova Nadzornog odbora KJKP “Park“ d.o.o. Sarajevo.

Član 2.

(Uslovi za imenovanje Nadzornog odbora)

Za člana Nadzornog odbora iz člana 1. ove odluke može biti imenovan kandidat koji ispunjava sljedeće uslove:

a) Opći uslovi:

- 1) da je državljanin Bosne i Hercegovine;
- 2) da je stariji od 18 godina;
- 3) da nije osuđivan za krivično djelo i za privredni prestup nespojiv s dužnošću u Nadzornom odboru, pet godina od dana pravosnažne presude isključujući vrijeme zatvorske kazne prije dana objavljivanja upražnjene pozicije;
- 4) da mu presudom suda nije zabranjeno obavljanje aktivnosti u nadležnosti Nadzornog odbora u koji se kandiduje;
- 5) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjenje pozicije;

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d. 3386902212020028;
Turkish Ziraat bank Bosnia d.d. Sarajevo
1860001022085047

- 6) da nema privatni finansijski interes u preduzeću u čiji se Nadzorni odbor kandiduje;
- 7) da se na njega ne odnosi član IX 1 Ustava Bosne i Hercegovine;
- 8) da ne postoje druge zakonske smetnje za obavljanje funkcije u Nadzornom odboru;
- 9) da nije predsjednik ili član Uprave ili Skupštine ili Odbora za reviziju u preduzeću u kojem se kandiduje, kao ni radnik preduzeća.

b) Posebni uslovi:

- 1) da ima VSS -VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja- ekonomskog, pravnog ili biotehničkog smjera
- 2) da ima najmanje 5 godina radnog iskustva nakon sticanja VSS od čega najmanje 3 godine na rukovodnim poslovima;
- 3) da nije predsjednik ili član nadzornog ili upravnog odbora u drugom preduzeću s većinskim državnim kapitalom ili instituciji;
- 4) da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornog odbora i uprava privrednih društava s učešćem državnog kapitala, odnosno da preuzima obavezu da usavršavanje obavi u roku predviđenom Uredbom.

Član 3.

(Sastav Nadzornog odbora)

- (1) Nadzorni odbor se sastoji od predsjednika i dva člana.
- (2) Predsjednik i članovi Nadzornog odbora imenuju se na period od četiri godine.
- (3) Predsjednik se bira na konstituirajućoj sjednici između svojih članova.

Član 4.

(Kriteriji)

- (1) Prilikom izbora uzet će se u obzir sljedeći kriteriji:
 - a) rezultati i priznanja ostvareni u dosadašnjem radu,
 - b) znanje i sposobnost razumijavanja poslovnih izvještaja,
 - c) komunikacijske i organizacijske sposobnosti,
 - d) poznavanje propisa koji se primjenju na rad i poslovanje kantonalnih javnih preduzeća.
- (2) Kriteriji iz stava 1 ovog član bodovat će se od 1 do 5.

Član 5.

(Ravnopravnost pri izboru)

Prilikom utvrđivanja ili primjene kriterija izbora neće se vršiti bilo kakva diskriminacija prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 6.
(Konkurs)

Na osnovu ovih kriterija, općih i posebnih uslova, Skupština Preduzeća raspisati će konkurs za izbor i imenovanje Nadzornog odbora i objaviti ga u „Službenim novinama FBiH“, u jednom dnevnom listu u skraćenoj verziji, registru javnih oglasa i na web stranici KJKP „Park“ d.o.o. Sarajevo.

Član 7.
(Komisija)

Skupština KJKP „Park“ d.o.o. Sarajevo imenovati će komisiju za provođenje postupka konkursa za izbor i imenovanje članova Nadzornog odbora KJKP „Park“ d.o.o. Sarajevo.



POUNOMOĆNIK VLADE KS

SKUPŠTINIKJKP „Park“ d.o.o. Sarajevo

Dostavljeno:

- Resornom ministarstvu,
- Skupštini,
- Nadzornom odboru,
- Komisiji,
- Upravi,
- Sekretar,
- za objavu,
- a/a.